

TARIKH	2 / 11 / 2012	SEKSYEN	Nasional
MUKA SURAT	16	RUANGAN	ilm Negeri

## Jemaah haji sakit makin berkurangan

SEPANG 1 Nov. - Jumlah pesakit jemaah haji Malaysia tahun ini mengalami penurunan ketara iaitu 132 orang berbanding tahun-tahun sebelumnya yang mencatat lebih 200 orang.

Menteri di Jabatan Perdana Menteri, Datuk Seri Jamil Khir Baharom (**gambar**) berkata, faktor itu didorong kemudahan rawatan berkualiti yang disediakan Tabung Haji (TH) serta wujud kesedaran tinggi dalam kalangan jemaah haji dalam soal kesihatan diri sepanjang mengerjakan ibadat haji.

"Setakat ini, 117 daripada mereka dirawat di Hospital TH manakala selebihnya iaitu seramai 15 orang di Hospital Arab Saudi.

"Pesakit yang perlu dirujuk ke Hospital Arab Saudi itu kerana kemudahan rawatan tidak ada di Hospital TH," katanya dalam sidang akhbar sejurus tiba dari Jeddah, Arab Saudi selepas mengerjakan ibadat haji di Lapangan Terbang Antarabangsa Kuala Lumpur (KLIA), di sini hari ini.

